

**BASES REGULADORAS DO PROGRAMA "TECENDO LAZOS" 2017**

No artigo 2 da Lei 13/2008, de 3 de decembro, de servizos sociais de Galicia, defínense os servizos sociais como un conxunto coordinado de prestacións, programas e equipamentos destinados a garantir a igualdade de oportunidades no acceso á calidade de vida e á participación social de toda a poboación galega mediante intervencións que permitan o logro dos obxectivos marcados nesta lei.

Con ese fin a Deputación de Pontevedra, a través do Servizo de Cohesión Social e Xuventude, pon en marcha distintas accións e programas dirixidos a entidades, a asociacións e á cidadanía para garantir os principios establecidos pola lei.

Polo exposto, convócase a segunda edición do programa interxeracional "Tecendo lazos", que se rexerá polas seguintes

**BASES****Primeira. Obxecto**

Constitúe o obxecto destas Bases a regulación da convocatoria pública por parte da Deputación de Pontevedra relativa ao programa "Tecendo lazos" 2017, que ten por finalidade desenvolver obradoiros interxeracionais no ámbito do lecer e do tempo libre a través dos cales se pretenden poñer en marcha estratexias, oportunidades e formas de creación de espazos para o encontro, a sensibilización, a promoción do apoio social e o intercambio recíproco, intencionado, comprometido e voluntario de recursos, aprendizaxes, ideas e valores encamiñados a producir entre as distintas xeracións lazos afectivos, cambios e beneficios individuais, familiares e comunitarios, entre outros, que permitan a construción de sociedades máis xustas, integradas e solidarias.

## Cohesión Social e Xuventude

Nas persoas maiores fomentárase o envellecemento activo, que mellore a súa actividade física, cognitiva e social, e nas persoas máis novas impulsárase as habilidades sociais e a empatía cara ao resto das xeracións.

Todos os obradoiros contarán, ademais, cun módulo denominado A Historia do Meu Concello, a través do cal se tratarán de recompilar as historias, lendas, contos e fotografías dos concellos que se adhiran, co fin de publicar a información e a documentación recollidas.

### **Segunda. Condicións do programa**

“Tecendo lazos” é un programa que lles ofrece aos concellos de menos de 20.000 habitantes da provincia de Pontevedra diferentes actividades interxeracionais a través das que se tratará de poñer en contacto as distintas xeracións para favorecer as relacións individuais, familiares, comunitarias e sociais entre as persoas participantes.

As actividades deberán contar cun mínimo de 10 persoas participantes e cun máximo de 30, das cales un 40 % serán menores. De non acadar o número mínimo de participantes valorárase as opcións existentes antes de anular o curso.

O programa desenvolverase de setembro a decembro.

O horario e as datas das sesións serán propostas por cada concello adherido dependendo das súas necesidades e da dispoñibilidade de locais.

Poderán presentarse varios concellos de forma conxunta cunha única solicitude.

Os obradoiros terán unha duración de 16 horas lectivas, nas que se incluírá o módulo denominado A Historia do Meu Concello, que recollerá actividades enfocadas á recompilación de fotografías, historias, lendas, contos etc. en formato papel ou audiovisual de cada un dos concellos que se adhiran ao programa, co fin de reunir os datos máis significativos de cada un.

Premiarase o mellor traballo dos presentados polos diferentes concellos, e o alumnado que o elaborase será galardoado pola Deputación cun premio consistente nun lote de produtos SmartPeme e 50 copias do traballo gañador.

## Cohesión Social e Xuventude

As diferentes temáticas figuran no catálogo do programa, publicado en [www.depo.es](http://www.depo.es).

Estes serán impartidas por unha empresa especializada na materia, responsable da execución, coordinación e avaliación do programa.

Os obradoiros deberán rematar antes do 31 de decembro de 2017. Porén, previa solicitude por escrito por parte do concello adherido e previo acordo da Xunta de Goberno, poderanse prorrogar ata o 15 de xaneiro de 2018.

### **Terceira. Adhesión dos concellos**

3.1. Poderán participar no programa todos os concellos de menos de 20.000 habitantes da provincia de Pontevedra que o soliciten.

#### 3.2. Lugar e forma

Os concellos deberán cubrir o modelo de acordo de adhesión, que estará dispoñible no Rexistro xeral da Deputación, na oficina de Vigo e en [www.depo.es](http://www.depo.es).

O acordo de adhesión deberá presentarse en calquera das oficinas de Rexistro da institución provincial ou a través do Rexistro electrónico [sede.depo.es](http://sede.depo.es), de conformidade co establecido no artigo 16 da Lei 39/2015, de 1 de outubro, do procedemento administrativo común das administracións públicas.

No caso de enviarse por correo postal (ao Rexistro da Deputación) deberá ser certificado co selo de Correos no formulario da solicitude para garantir que a data de remisión está incluída no prazo de presentación de solicitudes desta convocatoria.

As solicitudes enviadas por correo que non cumpran este requisito teranse por presentadas para todos os efectos no mesmo día en que teñan entrada no Rexistro da Deputación, independentemente da data de presentación na oficina de Correos.

Cando a solicitude se mande por correo postal deberase escanear e enviar ao seguinte correo electrónico: [cohesionsocialexuventude@depo.es](mailto:cohesionsocialexuventude@depo.es).

#### 3.3. Publicación das Bases

## Cohesión Social e Xuventude

As Bases reguladoras publicaranse no *Boletín Oficial da Provincia de Pontevedra* (BOPPO) e, posteriormente, remitirase a convocatoria á Base de Datos Nacional de Subvencións (BDNS), que será a que lle dea traslado do seu extracto ao BOPPO, sen prexuízo da súa inserción en [www.depo.es](http://www.depo.es).

### 3.3. Prazo

O prazo de presentación dos acordos de adhesión será de 15 días hábiles, contados desde o día seguinte ao da publicación do extracto destas Bases no BOPPO.

3.4. Ao se adheriren, os concellos estarán na obriga de cumpriren coas Bases do programa, así como de prestaren as súas instalacións e de proporcionaren os medios materiais que se lles requiran para o correcto desenvolvemento da temática escollida, nos termos que se recollan no catálogo.

3.5. O catálogo conta coas seguintes temáticas:

1. Risos en Familia
2. Xogos e Xoguetes Tradicionais: Xogando en Familia
3. O Noso Son: Bailes e Cancións de Agora e de Sempre
4. Faino Ti Mesmo
5. Rastrexos

Unha vez notificada aos concellos adheridos a aprobación pola Xunta de Goberno do acordo de adhesión, estes poderán abrir o prazo de inscrición para as persoas participantes e darlle publicidade ao obradoiro concedido.

Este prazo de inscricións deberá estar aberto un mínimo de 20 días naturais.

### **Cuarta. Persoas beneficiarias**

4.1. Os obradoiros interxeracionais ofertados terán como destinatarias principalmente as familias dos concellos que se adhiran ao programa.

4.2. No programa poderán participar persoas de entre 10 e 99 anos.

## Cohesión Social e Xuventude

4.3. Terán preferencia aquelas persoas que formen parte da mesma familia , se anoten xuntas e pertencen a diferentes xeracións (netas e netos, avoas e avós, fillas e fillos, nais e pais etc.).

4.4. As nenas e nenos de entre 13 e 17 anos (ambos inclusive) que queiran acudir sós deberán achegar o consentimento da nai ou pai ou da titora ou titor.

As nenas e nenos de menos de 13 anos deberán acudir sempre en compañía dunha persoa adulta; en ningún caso poderán participar menores de 13 anos sen acompañamento.

4.5. Tamén poderán ser beneficiarias do programa persoas doutros concellos sempre que presenten a correspondente solicitude no Rexistro do Concello escollido e que non se cubren todas as prazas.

### **Quinta. Lugar e prazo de presentación das solicitudes**

As persoas participantes deberán cubrir o formulario de solicitude, que poderán obter no Concello ou ben a través de [www.depo.es](http://www.depo.es).

Poderán inscribirse ata catro membros por familia na mesma solicitude.

Os formularios de solicitude deberán presentarse, nos prazos de inscrición establecidos, no Rexistro do Concello no que se oferte o obradoiro escollido pola persoa interesada.

Cada Concello establecerá os seus propios prazos de inscrición, que como mínimo serán de 20 días naturais e como máximo de 30.

### **Sexta. Documentación que deben achegar as persoas participantes**

Coa solicitude deberá achegarse a seguinte documentación:

- Fotocopia do DNI (das persoas participantes inscritas na solicitude)
- Autorización da nai, pai ou persoa responsable da ou do menor (necesaria unicamente para menores de idade de 13 a 17 anos que acudan sós aos obradoiros)
- Fotocopia do volante e/ou certificado de empadramento

En caso de querer participar en diferentes concellos deberase cubrir unha solicitude para cada un e achegar, en cada caso, a documentación correspondente nos prazos de inscrición de cada Concello.

**Sétima. Documentación dos concellos**

Os concellos adheridos deberán remitirle os seguintes documentos ao Servizo de Cohesión Social e Xuventude da Deputación ao longo de todo o proceso:

**1.** Unha vez que o Concello estableza o prazo de inscrición deberá remitirle á institución provincial o cartel de difusión que esta lle facilitará previamente, debidamente cuberto, a través de correo electrónico ao Servizo de Cohesión Social e Xuventude para poder publicar as datas de inscrición deste concello en [www.depo.es](http://www.depo.es).

O prazo de inscrición deberá permanecer aberto un mínimo de 20 días naturais e un máximo de 30.

**2.** Logo de rematado o prazo de presentación de solicitudes, a persoa do Concello responsable do programa deberá remitirle ao Servizo de Cohesión Social e Xuventude, no prazo de tres días hábiles, ao enderezo [cohesionsocialexuventude@depo.es](mailto:cohesionsocialexuventude@depo.es), a seguinte documentación:

a) Relación de participantes: unha semana antes do inicio do obradoiro, no modelo de táboa de Excel facilitado polo Servizo de Cohesión Social e Xuventude

b) Solicitudes de participación debidamente cubertas e a documentación adxunta escaneada (DNI, autorizacións etc.)

**3.** Unha vez iniciado o obradoiro e dentro dos tres primeiros días deberán remitirle por correo postal as solicitudes orixinais ao Servizo de Cohesión Social e Xuventude.

A empresa adxudicataria confeccionará a relación definitiva de participantes e dará conta desta ao Servizo de Cohesión Social e Xuventude. Esta empresa será a encargada de contactar coas persoas participantes seleccionadas para todas as comunicacións relativas ao programa.

**Oitava. Procedemento de concesión dos obradoiros**

A instrutora dos expedientes será, de acordo coa competencia para coñecer e resolver as solicitudes, a xefa do Servizo de Cohesión Social e Xuventude, e a adxudicación corresponderalle á Xunta de Goberno.

## Cohesión Social e Xuventude

O Servizo de Cohesión Social e Xuventude elaborará a proposta de relación definitiva de participantes por concello tendo en conta os seguintes criterios:

1. Persoas da mesma familia que estean empadroadas no Concello
2. Persoas menores que acudan en compañía dunha persoa adulta da mesma familia e non estean empadroadas no Concello
3. Persoas que participen de forma individual e estean empadroadas no Concello
4. Persoas que participen de forma individual e non estean empadroadas no Concello

Cando se supere o número máximo de 30 persoas por obradoiro atenderase á orde de entrega no rexistro para elaborar as listas, e creárase unha lista de agarda con aqueles participantes que presenten a súa solicitude en prazo.

A empresa adxudicataria será a responsable de confeccionar a relación definitiva de participantes por concello, incluída a lista de agarda, coa conformidade previa do Servizo de Cohesión Social e Xuventude.

### **Novena. Obrigas dos concellos**

- Enviar os documentos solicitados dentro dos prazos establecidos
- Aceptar as obrigas específicas dos obradoiros solicitados, proporcionando as instalacións debidamente acondicionadas e os medios materiais esixidos para o seu bo desenvolvemento. A empresa adxudicataria informará o Servizo de Cohesión Social e Xuventude e os concellos da idoneidade das aulas para garantir a boa marcha do obradoiro (segundo o catálogo)
- Informar as persoas participantes dos materiais que deberán levar (segundo o catálogo)
- Aceptar as obrigas específicas dos obradoiros solicitados, as características da aula, o material que esta debe conter e ter o alumnado ao tanto do material que deberá levar, no caso de que sexa preciso
- Autorizar a institución provincial a publicar os datos de contacto e o enderezo no que se deberán presentar as solicitudes, co fin de que as persoas que non sexan do concello poidan realizar a súa solicitude

## Cohesión Social e Xuventude

- Dar rexistro de entrada ás solicitudes das persoas interesadas, co fin de elaborar a lista de prelación
- Consentir, ao se adherir a este programa, que os datos da súa solicitude e a relación de participantes queden incorporados aos ficheiros informáticos da Deputación. Os datos persoais recollidos serán incorporados e tratados en ficheiros coa finalidade de conter os datos das persoas que participan en programas financiados polo organismo provincial, inscritos na Axencia Española de Protección de Datos
- Consentir, ao se adherir a este programa, que os datos da adhesión poidan ser incluídos en [www.depo.es](http://www.depo.es)
- Autorizar a Deputación e a empresa adxudicataria a obter imaxes das instalacións para comprobar que estas cumpren os requisitos esixidos para a correcta realización do obradoiro escollido, así como imaxes durante a execución do programa para a súa difusión e promoción

### **Décima. Orzamento**

A contía consignada para o programa "Tecendo lazos" ascende, no ano 2017, a sesenta mil (60.000,00) euros, con cargo á aplicación 17/231.2311.227.07 do Orzamento ordinario desta institución provincial.

A Deputación establece a convocatoria do programa "Tecendo lazos" no marco de obradoiros interxeracionais e oferta inicialmente un total de 53 obradoiros, un por concello, que poderán incrementarse segundo o prezo definitivo da empresa adxudicataria para cada un deles.

No suposto de que o número total de obradoiros ofertados nesta convocatoria non quedase cuberto este organismo provincial reserva o dereito a cubrilos con concellos que teñan a suficiente demanda para realizar un segundo obradoiro e que o soliciten mediante unha petición motivada dirixida á Deputación de Pontevedra.

### **Décimo primeira. Prazo de vixencia**

As Bases que regulan este programa terán vixencia ata o 31 de decembro de 2017.

### **Décimo segunda. Lexislación aplicable**

## Cohesión Social e Xuventude

- Lei 38/2003, de 17 de novembro, xeral de subvencións
- Real decreto 887/2006, de 21 de xullo, polo que se aproba o Regulamento da Lei xeral de subvencións
- Lei 13/2008, de 3 de decembro, de servizos sociais de Galicia
- Lei 7/1985, de 2 de abril, reguladora das bases de réxime local
- Real decreto legislativo 2/2004, de 5 de marzo, polo que se aproba o Texto refundido da Lei reguladora das facendas locais
- Lei 39/2015, de 1 de outubro, do procedemento administrativo común das administracións públicas.
- Lei 15/1999, de 13 de decembro, de protección de datos de carácter persoal
- Real decreto legislativo 3/2011, de 14 de novembro, polo que se aproba o Texto refundido da Lei de contratos do sector público
- Bases de execución do orzamento provincial vixente